

Диндоридан танланг бахтиёр бўласиз!

05:00 / 15.02.2017 4254

Уйланишга танланадиган аёлнинг сифатлари

Савол:

Эр уйланиш учун танлаётган аёлнинг қайси сифатларига эътибор бериши керак?

Жавоб:

Қуйидаги сифатлар:

1. Диндор бўлсин. Бу ушбу оятларга биноандир:

مُكْتَبَةٌ عَاقِلَةٌ وَوَلَدَةٌ كَرِيمَةٌ مِّنْ رِّبِّ خَيْرٍ مِّنْ مَّوْمِنَةٍ مَّوْمِنَةٌ عَمَّالَةٌ

Яъни, “Хур мушрика аёлдан кўра иймонли чўри яхшироқдир..” Бақара-221

تَابِطِي طَلَلَنُؤُوبِي طَلَاوَنِي بِي طَلَلْتُ تَابِي طَلَاو

Яъни, “Покиза аёллар покиза эркаклар учун, покиза эрлар покиза аёллар учундир.” Нур-26

لَلطَّافِحِ امِّ بَيْعِ لَلطَّافِحِ تَاتِنَاقُ تَاجِلِ اصْلَافِ

Яъни, “(Аёллар ичида) солиҳалари - бу (Аллоҳга) итоатли, ғойибга Аллоҳ сақлаганича ҳимоятли (яъни, эрларининг сирлари, мулклари ва обрўларини сақловчи)лардир.” Нисо-34

Набий с.а.в. ҳам шундай деганлар:

كادي تبرت ني دل ا تاذب رفظاف

Яъни, “Диндорини ихтёр қил, (ундай қилмасанг, фақирликнинг шиддатидан) қўлинг тупроққа ёпишиб қолсин” муттафақун алайҳ.

2. Агар диндорлик билан ҳусн-жамол, ҳасаб, мол-дунё бирга бўлса, бу диндор бўлмаган мазкур сифатларни жамлаган аёлдан яхшироқдир. Агар диндор ва ҳусни-жамолли бўлса, бу ҳусни жамолсиз диндордан яхшироқдир. Шунингдек ўзи ҳам диндор ва диндор оиладан бўлса, бу ўзи диндор лекин оиласи диндор бўлмаганидан яхшироқдир.

Савол:

Аёл киши турмуш қуриши учун ихтиёр қилаётганда эрнинг қайси сифатларига эътибор бериши лозим?

Жавоб: Қуйидаги сифатларига.

1. Диндор бўлсин. Бу қуйидаги оятга биноандир:

مُكَبِّعًا وَلَا وَكْرًا شُمْ مٌ نَمٌ رِي خٌ نَمٌ مٌمٌ دُبَعًا وَلَا

Яъни, “Зеро, ҳур мушрикдан имонли қул яхшироқдир, гарчи у (мушрик) сизларга ёқимли туюлса ҳам”. Бақара-221

2. Қуръондан маълум миқдор ёдлаган бўлсин. Саҳиҳайнда Пайғамбар с.а.в. саҳобалардан бирини Қуръондан ёдлаган нарсаси билан уйлантирганликлари нақл қилинган.

3. Оила нафақсини таъминлашга ва эр-хотин ўртасидаги бўладиган муомалага қудрати етадиган бўлсин. Чунки Пайғамбар с.а.в. ёш йигитлардан никоҳнинг ушбу нарсаларига қудрати етганларини никоҳга тарғиб қилар эдилар. Фотима бинти Қайс Набий с.а.в.дан ўзига келган совчилардан қайси бирига турмушга чиқишни маслаҳат сўраб келганларида, Набий с.а.в. Муовия ҳақида: “Аммо Муовия камбағалдир, унинг моли йўқ”, деб жавоб берганлар. Бу Аллоҳ таолонинг ушбу оятига хилоф бўлмайди.

مُونٌ غِيءَ اَرْقُفِ اُونُوكَيِ نِ اِنْمُ كِئَامِ اُوْمُ كِدَابِعِ نَمَنَ حِلْ اَصْلِ اَوْمُ كِنَمِ مِ اِيْ اَلِ اُوْحُ كِنَانِ اَمِ يَلَعُ عَسَاوُ لَلِ اَوِوَلِ صَفِ نَمُ لَلِ

Яъни, “Ўз ораларингиздаги тул (эркак ва аёл)ларни ҳамда қул ва чўриларингиздан яроқлиларини уйлантиринглар. Агар (улар) камбағал бўлсалар, Аллоҳ уларни ўз фазли билан бойитур. Аллоҳ (фазлу карами) кенг ва билувчи зотдир.” Нур-32

Шубҳа йўқки, агар диндорлик сифати бошқа сифатлар билан қарама қарши келса, албатта диндорлик муқаддам бўлади. Лекин бу ерда гап дин жиҳатидан тенг бўлган икки шахс ўртасидаги афзаллик ҳақида кетмоқда.

4. Аёлларга нисбатан мулойим бўлсин. Чунки мазкур аёл яъни, Фотима бинти Қайс Набий с.а.в.дан ўзига келган совчилардан қайси бирига

турмушга чиқишни маслаҳат сўраб келганларида, Набий с.а.в. Абу Жаҳм ҳақида: “Аммо Абу Жаҳм, у таёғини елкасидан қўймайдиган киши, сен Усомага турмушга чиқгин”, дедилар.

5. Аёл киши уни кўрганда қувонадиган бўлсин. Ўрталарида нафратланиш рўй бермасин, ҳаётдан нолишига, куфрона неъмат қилиб қўйишига сабаб бўладиган бўлмасин.

6. Мазкур эр аёлнинг куфу’, яъни тенги бўлсин, токи ўрталарида нафрат ва эрга нисбатан бош кўтариш вужудга келмасин. Чунки Аллоҳ таоло шундай дейди:

نَمِ اَوْقَفْنَا اَمَبَوْضَعَبِ لَعَلَّعُمُضْعَبُ لَللَّضَفِ اَمَبِءِاسِّنْ لَلِ لَعَلَّعِنُومِ اَوْقُ لَلِ اَجْرَلِ
مَوْلِ اَوْمِ

Яъни, “Аллоҳ баъзиларини баъзиларидан устун қилгани ва молларидан сарфлаганлари учун эркаклар аёлларга раҳбардирлар.” Нисо-34

Ушбу оятга биноан эрнинг раҳбалиги икки нарса биландир.

Бири: Жибиллий (Яъни, табиий) нарса. Бу Аллоҳ таоло эркак кишиларга яралишида хослаб қўйган нарсалар. Ақл жиҳатидан устун қилиб яратганки оилани бошқара олсин, жисмонан бақувват қилиб яратганки, оилани ҳимоя қила олсин ва ҳақозолар...

Иккинчиси: Ташқи, табиий бўлмаган нарса. Бу мол-мулкдан нафақа қилмоқликдир. (Яъни, маҳр ва бошқа оилавий таъминотлар.) Мана шу икки нарса билан эрнинг раҳбарлиги рўёбга чиқади ва мукаммал бўлади. Агар бу иккисидан бирида камчилик бўлса раҳбарликда ва оила бошқаришда тартибсизлик вужудга келади.

Агар оиланинг таъминотини аёл киши таъминласа, унинг ҳам раҳбарликда насибаси бўлади ва кўп ҳолларда оилавий мушкилотларга сабаб бўлади.

Масалан: Бир аёл киши касалхонанинг раҳбари. У мазкур касалхонанинг оддий бир ходимига турмушга чиқса, (шубҳасиз бундай турмуш қуриш шариатимизда ҳалолдир) кўпинча бундай аёлларда эрига нисбатан бош кўтариш, ёқтирмаслик ва устунликни талаб қилиш пайдо бўлади.

7. Вояга етган ёш қиз ўзи учун муносиб ёшдаги, ўта ёши катта бўлмаган, унинг барча эҳтиёжини қондира оладиган, иффатини сақлайдиган кишини танласин.

Буни ҳамма ҳолатларга бирдек қайд қилиб бўлмайди, чунки баъзи ёши катта кишиларда ёш йигитнинг қуввати бўлиши ҳам мумкин.

8. Ўзи учун айбу-нуқсонни бўлмаган, аъзолари саломат кишини танласин. Чунки Пайғамбар с.а.в. шундай деганлар:

دَسَّ أَلَمَ كَرَّارٍ مُؤَدِّجٍ مَلَمٌ رَفٌ لُؤُقِي هَلَلٌ لُؤُسَرُتْ عَمَسَ لَأَقَ . عَزِيْرُهُ بَأْبُ أَع
دمأه جأ

Абу Ҳурайра р.а.дан. Расулуллоҳ с.а.в.нинг “Моховдан арслондан қочгандек қочгин”, деб айтаётганини эшитдим, деди. Аҳмад ибн Ҳанбал р.а. таҳриж қилган.

9. Бепушт бўлмаган кишига турмушга чиқиш ҳам мустаҳабдир. Чунки шариатимиз фарзандларни кўпайтиришга тарғиб қилади.

Сидиқметов Қудратуллоҳ,

“Кўкалдош” ислом билим юрти мударриси,

“Аҳмаджон қори” жомеъ масжиди имом хатиби.